



Na osnovu člana 41. tačka a) Zakona o javnim preduzećima u Federaciji Bosne i Hercegovine ("Službene novine Federacije BiH", broj: 8/05, 81/08 i 22/09), člana 57. i člana 128. stav 1. tačka 1. Statuta Javnog preduzeća Elektroprivreda Bosne i Hercegovine d.d.-Sarajevo, (prečišćeni tekst), broj: SD-1067/11 -19/3.b) od 09.03.2011. godine, Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. - Sarajevo, broj: SD-28363/11-23/2 od 24.11.2011. godine i Statuta o dopunama Statuta Javnog preduzeća Elektroprivreda Bosne i Hercegovine d.d.- Sarajevo, broj: SD-7863/12-25/2. od 20.04.2012. godine, Trideset i druga Skupština JP Elektroprivreda BiH d.d. - Sarajevo, održana dana 26.06. 2014. godine, donosi:

ODLUKU

o davanju pozajmice za prestrukturiranje i urgentnu sanaciju štete uzrokovane poplavom u JP Elektroprivreda BiH d.d.-Sarajevo, ZD RMU "Đurđevik" d.o.o Đurđevik

Član 1.

Odobrava se davanje pozajmice JP Elektroprivreda BiH d.d. - Sarajevo, ZD RMU "Đurđevik" d.o.o Đurđevik u iznosu do 2.000.000,00 KM u skladu sa uvjetima utvrđenim ovom Odlukom.

Član 2.

Kamatna stopa na navedeni iznos pozajmice iz člana 1. ove Odluke će biti u visini od 1,5% na godišnjem nivou.

Član 3.

JP Elektroprivreda BiH d.d. - Sarajevo daje pozajmicu na period od 60 mjeseci, s tim da se u okviru tog perioda odobrava grace period u trajanju od 18 (osamnaest) mjeseci.

Sredstva iz člana 1. ove Odluke će biti raspoloživa nakon stupanja na snagu ove Odluke, donošenja Plana prestrukturiranja i urgentne sanacije stanja uzrokovano poplavama JP Elektroprivreda BiH d.d.-Sarajevo, ZD RMU "Đurđevik" d.o.o Đurđevik i zaključivanja Ugovora o pozajmici kojim će, u skladu sa Planom prestrukturiranja i urgentne sanacije stanja uzrokovano poplavama, biti precizirana tačna namjena pozajmice, dinamika i način povlačenja sredstava za svaku konkretnu namjenu utvrđenu Planom, što predstavlja uslov za primjenu ove Odluke.

Član 4.

Pozajmica će se realizirati doznakama na namjenski račun koji će za tu potrebu otvoriti ZD RMU "Đurđevik" d.o.o Đurđevik.

Povrat pozajmice će se realizirati kompenzacijom novčanog iznosa mjesečne rate i novčanog potraživanja zavisnih društava-rudnika uglja prema JP Elektroprivreda BiH d.d.-Sarajevo nastalih isporukom uglja, prema ugovoru o isporuci uglja, u iznosu rate pozajmice o čemu će se detalji utvrditi posebnim ugovorom.

Član 5.

Za praćenje i realizaciju ove odluke zadužuje se Nadzorni odbor JP Elektroprivreda BiH d.d.- Sarajevo.

Član 6.

Ova Odluka stupa na snagu danom donošenja, a primjenjivaće se po kumulativnom ispunjenju uvjeta iz člana 3.stav 2. ove Odluke.

Broj: SD - 16205 /14 -32/ 6.b)
Sarajevo, 26.06.2014. godine

Predsjednik
Skupštine Društva

Jasmina Pašić

